

焦氏易林

三

Z 121.6  
1  
(10)

焦氏易林卷第十一

損之第四十一

損 路多枳棘步刺我足不利孤客爲心作毒

乾 鯉鮒鮓鰕勸福多魚資所有无富我邦家

坤 景星照堂麟遊鳳翔仁施大行頌聲作興征者无明失其

寵光豫之節

屯 羊腸九縈相推稍前止須王孫迺能上天

蒙 四手共身莫失所閑更相放接動失事便

需 水流趨下遂至東來求我所有買魴與鯉益之无妄 遂疑作逮

訟 春栗夏棗少鮮希有斗千石萬貴不可販否之漸

師 旦往暮還相佑與聚无有凶患

比 大地當路使季畏懼湯火之災切直我膚賴其天幸歸于

生廬

屯之井

小畜從足去域飛入陳國有所畏避深藏遂匿

履 海爲水宗聰明且聖百流歸德無有叛逆常饒優足

泰 夏麥愴麩霜擊其芒病君敗國使年大傷

泰之賁

否 秋隼冬翔數被嚴霜雄父夜鳴家憂不寧

同人樂仁上德東鄰慕義來安吾國

大有逐憂除殃汚泥生梁下田爲汪

謙 暗昧冥語轉相誣誤鬼魅所居誰知卧處

豫 南歷玉山東入玉關登上福堂飲萬歲漿

隨 比目四翼來安我國福善上堂與我同牀

蠱 乘牛逐驥日暮不至路宿多畏亡其駢騅

臨 元吉无咎安寧不殆

觀 奮翅鼓翼翱翔外國逍遙徒倚來歸温室

噬嗑河伯娶婦東山氏女新婚三日浮雲洒雨露我菅茅萬家  
之祐

賁 嬰兒求乳慈母歸子黃麕悅喜得見甘飽

剝 貧鬼守門日破我盆毀罌傷瓶空虛無子

復 多載重負損弃於野子無稚子但自勞苦

无妄雄狐綏綏登山崔嵬昭告顯功大福允興

大畜嬰兒孩笑未有所識彼童而爭亂我政事

頤 十丸同投爲雉所維獨得跳脫完全不虧

大過狐濟濡尾求橋得枳季妣懷悔鮑舍魚鳧

坎 跌足息肩所忌不難金城銅郭以鍊爲關藩屏周衛安止

无患

離 戴堯扶禹松喬彭祖西過王母道路夷易无敢難者訟之家人

咸 京庾積聚黍稷以極行者疾至可以厭飽

恆 良天孔姬脅惺登臺樂季不扶叔輒走逃

遯 天之所予福祿常在不憂危殆

大壯 行觸天綱馬死車傷身无繆賴困窮乏糧

晉 鉛刀攻玉堅不可得盡我筋力抵璽爲疾

明夷 穆違百里使孟奮武將軍師戰敗於穀口

家人 有人追亡烏言所匿不旅日得

睽 府藏之富王以賑貸捕魚河海苟罔多得

蹇 鴻飛遵陸公歸不復伯氏客宿

解 鳧過稻廬甘樂廣鱮雖驚不去田峻懷憂

益 雨師娶婦黃岩季子成禮旣婚相呼面南膏澤應時年豐

大喜

夫蓄積有餘糞土不居美哉輪奐出有高車  
重門擊柝介士守護終有他道雖驚不懼  
萃大都王市稠人多寶公孫宜賈其貨萬倍  
升秋隼冬翔數被嚴霜甲兵當庭萬物不生雄犬夜鳴民擾  
以驚

困招禍致凶來螫我邦痛在手足不得安息  
井泰失其鹿疾走先得勇夫慕義君子變服  
革山陵四塞遏我逕路欲前不得復還故處  
鼎一指食肉口无所得舌嚙於腹

震晨夜驚駭不知所止皇母相佑卒得安處  
艮豺狼所言語無成全誤我白馬使乾口來

漸呼精靈來甓生无憂疾病愈瘳解我患愁

歸妹牧羊逐兔使魚相捕任非其人卒歲无功不免辛苦

豐堂祥上樓與福俱居席地妃治國安无憂

旅禹召諸神會稽南山執玉萬國天下康安

巽太姒文母乃生聖子昌發受命爲天下主

兌兩豷同室兔无誰告與狂相觸蒙我以惡

渙桃雀竊脂巢於小枝動搖不安爲風所吹寒恐悚慄常憂

殆危

節陽春長日萬物華實樂有利福一作春陽盛長萬物成實福利所鍾忻忻過日

中孚鄰不我顧而望玉女身疾瘡癩誰肯媚者

小過涸旱不雨澤竭无流魚鱉乾口皇天不憂

既濟狼虎之鄉日爭凶訟受性貪饕不能容縱

未濟陰注陽疾水離其室舟楫大作傷害黍稷民飢於食亦病

心腹

益之第四十二

益 文王四乳仁愛篤厚子畜十男无有折夭

乾 下堂出門東至九山逢福值喜得其安閑

坤 城上有烏自名破家招呼鳩毒為國患災

屯 伯虎仲熊德義淵聞使敷五教陰陽順序

蒙 飲酒醉酣跳起爭鬪手足紛拏伯傷仲僵東家治喪

需 四目相視稍近同機日昝之後見吾伯姊

訟 隨時逐便不失利門多獲得福富於封君

師 隴西冀北多見駿馬去如焱颺害不能傷

比 白龍黑虎起伏俱怒蚩尤敗走死於魯首

同人之比  
蒙之坎



小畜鴻飛戾天避害紫淵雖有鋒門不能危身

履 平國不君夏氏作亂烏號竊發靈公隕命

泰 江漢上遊政逆民憂陰伐其陽雄受其殃

否 東家殺牛聞臭腥臊神怒不顧命衰絕周亳社火燒妄夷

誅愁

同人西誅不服恃強負力倍道趨敵師走敗覆

大有一婦六夫亂擾不治張王季疾莫適為公政道壅塞周君

失邦

謙 配合相迎利之四鄉昏以為期明星煌煌欣喜爽澤所言

得當

豫 猿墮高木不踈手足握金懷玉還歸其室 蒙之隨訟之  
艮否之臨

隨 卷領遁世仁德不害三聖攸同周國茂興 需之  
震

去患脫厄安无忱惕上福喜堂見我懽悅

臨帶季兒良知權兵將師合戰敵不能當趙魏以强

觀鵠思其雄欲隨鳳東順理羽翼出次須日中留北邑復反  
其室

噬嗑耳如驚鹿不能定足室家分散各走匿竄

賁甲乙丙丁俱位我庭三五六子入門見母

剝躡華顛觀浮雲風不搖雨不薄心安吉无患咎

復德施流行利之四鄉雨師洒道風伯逐殃巡狩封禪以告  
成功

无妄水流趨下遂成東海求我所有買鱸與鯉損之需

大畜和氣相薄膏潤津澤生我嘉穀

頤憂驚以除禍不成災安全以來

大過堅水黃鳥常哀悲愁不見白粒但覩藜蒿數驚鷺鳥飄爲

我憂

坎、翁翁鞠鞠實墜崩顛滅其命身

泰之謙  
否之離

離 因禍致福喜盈其室

咸 佳居千里不見河海无有魚市

恒 鹿得美草嗚呼其友九族和睦不憂飢乏

同人  
之蹇

遯 出門得堂不逢禍殃入戶自若不見矛戟

大壯 鬻尊重席命我嘉客福祐久長不見禍殃

晉 鳴鴻俱飛北就魚池鱸鮓鯉多饒所有一筇獲兩利之

過倍

明夷 當風奮翼與鳥飛北入我嘉國見吾慶室

家人 麒麟鳳凰善政得祥陰陽和調國無災殃

睽 逐狐東山水遏我前深不可涉失其後便

蹇 丑戌亥子飢饉前生陰陽暴客水絕我食

解 狐狸雉兔畏人逃去分走竄匿不知所處

捐 桀跖惡人使德不通炎旱爲殃年穀大傷

夬 兔乳在室行來雀食虎惧我子長號不已

姤 土階明堂禮讓益興雄二相得使民無疾疾一作疾

萃 送金出門并失玉丸往來井上破甕壞盆

升 諷德誦功美周盛隆加其旦輔光濟冲人

困 盜竊滅身貳母不親王后無黨毀其寶靈

井 六日駢駢各欲有至專止未裝俟侍旦明

革 雀行求粒誤入罟罟賴仁君子復脫歸室

鼎 仁德孔明患禍不傷期誓不至室人銜恤

震 龜厭江海陸行不止自令枯槁失其都市雖憂無咎

艮 孤獨特處莫依爲輔心勞志苦

漸 伯仲言留叔子云去雖自无咎主母大喜

歸妹 初憂不安後得笑懼雖懼无患

豐 好戰亡國師不以律稱上殞墜齊侯狼戾其被災祟

旅 鹿在澤陂豺傷其麋泣血獨哀

巽 天地閉塞仁智隱伏商旅不行利潤難得

兌 福德之士歡悅日喜夷吾相桓三歸爲臣賞流子孫

渙 上无飛鳥下乏走獸亂擾未治民勞於事

節 據斗運樞順天无憂與樂並居

謙之觀

中孚 戴瓶望天不見星辰願小失大福逃廬外

小過 月削日衰工女下機宇宙滅明不見三光

既濟操戟刺魚被髮立憂虎脫我衣狼取我袍亡馬失財  
未濟兩人俱醉相與悖戾心乖不同爭訟匈匈

夬之第四十三

夬 戴堯扶禹松喬彭祖西過王母道里夷易无敢難者

乾 狼戾美謀无言不殊允厭帝心悅以獲佑

坤 歲暮花落陽入陰室萬物伏匿絕不可得

屯 雞鳴失時君騷相憂犬吠不休行者稽留

蒙 鳧鷖遊涇君子以寧履德不愆福祿來成

需 薄爲藩蔽勁風吹卻欲上不得復歸其宅

訟 東行破車步入危家衡門垂倒无以爲主賣袍續食糟糠

不飽

師 青牛白咽呼我俱田歷山之下可以多耕歲稔時節民人

安寧

比 異國殊俗情不相得金木爲仇百賊擅殺

小畜陰陽精液高熟晚拆治卵成鬼肇生頭日日有大喜

履 飢蠱作害偏多亂纏緒不可得

泰 清冷如雲爲兵導先民人寃急不知西東

否 班馬旋師以息勞疲役夫嘉喜入戶見妻

同人坐爭立訟紛紛匆匆卒成禍亂灾及家公

大有鹿食美草逍遙求飽日暮後門過期乃還肥澤且厭

謙 田鼠野雛意常欲去拘制籠檻不得搖動

豫 月趨日步周遍次舍歷險致遠無有難處

隨 天孫帝子與日月處光榮於世福祿祉社

蠱 晨風文翰大舉就温昧過我邑羿无所得

臨 旦生夕死名曰嬰鬼不可得視

觀 疾貧望仕使伯南販開牢擇羊多得大祥

噬嗑長城驪山生我大殘涉叔發難唐叔爲患

賁 娶於姜呂駕迎新婦少齊在門夫子歡喜

剝 隨時春草舊枝葉起扶疏條桃長大美盛華沃鑠舒

復 姬姜旣歡二姓爲婚霜降合好西施在前

无妄戴笠獨宿晝不見日勤苦无代長勞悲思

大畜始加元服二十繫室新婚旣樂伯季有得

頤 二室靈臺文所止遊雲物備故長樂无憂

大過久陰霖雨塗行泥潦商人依山市空无有

坎 城壞壓境數爲齊病侵伐不休君臣擾憂上下屈竭士民

無財



離 南國盛茂黍稷醴酒可以饗養樂我嘉友

咸 憂在心腹內崩爲疾禍起蕭牆意如制國

恆 朽根別樹花葉落去卒逢火焱隨風僵仆

遯 樹表爲壇相與期言午中不會寵名弃廢

大壯 四足俱走奴疲在後德戰不勝敗於東楚

晉 執轡西朝回還故處麥秀傷心叔父无憂

明夷 長夜短日陰爲陽賊萬物空枯藏於北陸

家人 鳴鳩七子均而不殆長大成就弃而合好

睽 三羊上山馳至大原黃龍負舟遂到夷傷究其玉囊

蹇 手足易處頭尾顛倒公爲雌嫗亂其蚕織

解 登高望家役事未休王政靡盬不得逍遙

損 畏昏不行候待旦明燎獵受福老賴其慶